

Ҳажнинг вожиблари | Фиқҳ дарслари (352-дарс)



19:00 / 06.11.2025 486

Унинг вожиблари: Муздалифада туриш, Сафо ва Марва орасида саъй қилиш, тош отиш, четдан келганлар учун видо тавофини қилиш ва соч олдириш.

Бундан ҳажнинг вожиб амаллари бешта экани маълум бўлади:

1. Муздалифада туриш.

Арафотдан қайтгандан кейин ҳожи Муздалифада туриши керак. Ҳанафий мазҳабига биноан, ўнинчи Зулҳижжанинг тонги отгандан сўнг бир лаҳза бўлса-да, туриш лозим.

Аллоҳ таоло Бақара сурасида шундай дейди:

фарзини адо қилибди», дедилар».

«Сунан» эгалари ривоят қилишган. Термизий ҳасан, саҳиҳ деган.

2. Сафо ва Марва тепаликлари орасида саъй қилиш – юриб бориб-келиш.

Ҳанафий мазҳаби бўйича, бу амал ҳам ҳажнинг вожиб амалларидан ҳисобланади. Бу ибодат тавофдан кейин бажарилади. Икки тепалик орасида етти марта бориб-келинади. Юришни Сафо тепалигидан бошлаш шарт. Аллоҳ таоло Қуръони Каримда олдин Сафони зикр қилган. Сафодан Марвагача бориш бир саъй саналади, қайтиш яна бир саъй. Шу тариқа еттинчи саъй Марвада тугайди. Икки тепаликнинг ўрталарида яшил чироқлар ўрнатилган иккита яшил устун бор, шуларнинг орасида тезлаб юриш керак.

Аллоҳ таоло Бақара сурасида марҳамат қилади:

﴿عَلِمُ مَا كُرَّ اللَّهُ فَإِنَّ خَيْرًا تَطَوَّعَ وَمَنْ بِهِمَا يَطُوفُ أَنْ عَلَيْهِ جُنَاحٌ فَلَا أَعْتَمَرَ أَوْ الْبَيْتَ حَجَّ فَمَنْ اللَّهُ شَعَابِرٍ مِنَ وَالْمَرْوَةَ الصَّغَايِنَ﴾

«Албатта, Сафо ва Марва Аллоҳнинг шиорларидандир. Ким Байтни ҳаж ёки умра қилса, бу иккови ўртасида саъй қилишида унга гуноҳ йўқ. Ким яхшиликни ўз ихтиёри ила қилса, бас, албатта, Аллоҳ кўп савоб берувчидир, ўта билувчидир» (158-оят).

﴿أَوْعَسَافَ وَيُعَسِلُ الْمُكِّيَّ لَعَبَتَكَ هَلَلًا نِ﴾: ﴿مَلَسَ وَسَوْهِيَ لَعَهُ هَلَلًا لِيَصْرَهُ هَلَلًا لُؤْسَ رَلِاقَ
ةَ بَيْتِ شَيْبَةَ نَبَأُ هَاوَرِ﴾

«Расулуллоҳ соллаллоҳу алайҳи васаллам:

«Албатта, Аллоҳ сизнинг зиммангизга саъйни ёзди. Бас, саъй қилинг», деганлар».

Ибн Абу Шайба ривоят қилган.

3. Тош отиш.

Биринчи ҳайит куни Ақаба деб номланган жойга тош отилади. Отиладиган тошларнинг сони етти дона бўлади. Тош отадиган вақт ҳайитнинг биринчи куни бомдоддан кейин киради. Қуёш чиқиб, то завол вақти киргунча отса, яхши бўлади, қуёш ботгунча отса ҳам рухсат. Лекин кечаси отса, макруҳ бўлади.

«Одамларга охириги аҳдлари Байт билан бўлиши амр қилинди. Илло, ҳайз кўрган аёлдан енгиллаштирилди».

Икки шайх ривоят қилишган.

Мана шу ривоятлар асосида видо тавофи вожиб экани ҳақидаги ҳукм олинган.

Ҳайз ёки нифос кўрган аёлга видо тавофи қилиш вожиб бўлмайди. Улар узрли бўлганлари учун видо тавофини қилмай юртларига қайтаверадилар.

Яна бошқа вожиб амаллар ҳам бор. Лекин уларнинг ҳаммаси юқорида саналган асосий вожибларга боғлиқ бўлиб, уларнинг ичидаги амаллар ҳисобланади. Ибодат учун ниҳоятда зарур бўлганидан, бу вожибларни ҳам алоҳида зикр қилишни лозим топдик:

1. Мийқотдан эҳромга кириш;
2. Тавофни таҳорат билан қилиш;
3. Тавофда сатри авратда бўлиш;
4. Тавофни ўнгдан бошлаш, яъни ўнг елкасини Тоифга, чап елкасини Байтуллоҳга қилиб туриб бошлаш;
5. Ҳатиймни қўшиб тавоф қилиш. Ҳатийм асл пойдевордан қолган жой бўлиб, Каъбатуллоҳнинг тарнови тарафдадир. Уни ҳозир маълум баландликда кўтариб, девори устига чироқлар ўрнатиб қўйилган. Асл пойдевор ўша ердан бўлгани учун у ерни ҳам қўшиб тавоф қилинади;
6. Тавофни юриб қилиш (узри борларга бирор нарсага ўтириб тавоф қилишга ҳам рухсат);
7. Тавофни тугатгандан кейин икки ракъат тавоф намози ўқиш;
8. Қирон ва Таматтуъ ҳаж қилганларга қурбонлик қилишдан олдин тош отиш вожиб;
9. Шунингдек, уларга соч олдиришдан олдин қурбонлик қилиш ҳам вожиб;
10. Саъйни Сафодан бошлаш;
11. Арафотда қуёш ботгунча туриш;
12. Ҳар кунги тош отишни иккинчи кунга қолдирмаслик;

13. Тавофни Ҳажарул асваддан бошлаш;
14. Зиёрат тавофини уч кун ҳайит ичида қилиш;
15. Соч олдиришни (ёки қисқартиришни) Ҳарам чега-расида ва уч кун ҳайит ичида адо этиш;
16. Арафа куни шом ва хуфтон намозларини хуфтон вақтида Муздалифада қўшиб ўқиш;
17. Ушбу амаллардан бирортасини қилмаган одам вожибни тарк этган ҳисобланади ва унга бир жонлиқ сўйиш вожиб бўлади;
18. Қирон ёки Таматтуъ ҳаж қилганлар бир ҳаракат билан икки ибодатни адо этганлари шукронасига қурбонлик қилишлари вожибдир. Қурбонлик вақти ҳайит куни Ақабада тош отиб келингандан сўнг бошланади. Ўша куни ва кейинги икки кун қирон ва таматтуъ қурбонликларини сўйиш вақтидир. Макон жиҳатидан эса Минода бўлиши афзал. Ҳарамдан ташқарида қурбонлик қилиш мумкин эмас.

«Кифоя» китобининг иккинчи жузи асосида тайёрланди

Ушбу китоб Ўзбекистон Республикаси Дин ишлари бўйича қўмитанинг 2022 йил 5 октябрдаги 03-07/7013-рақамли хулосаси асосида чоп этилган.